





容城文靖劉先生文集卷之三

詩

五言古

經古城

我行常山尾高城下吾前接轡覽形勢依依見金燕
易水開前襟飛狐連右肩遙想豪傑場撫已增慨然
薪人過我傍一笑如相憐指城前問余考古今幾年
沉思未及答行歌入蒼煙

韓魏公祠

定州古北門作鎮多英奇如何郡學傍獨有韓公碑

三賢文集 靜修卷之三

乾坤極厚大運動物不知堂堂宋三朝幹旋公似之

惟公立默間泰山已四維天宇公之祠元氣非公誰

祀人一何愚而於公欲私大者且勿論緒餘猶世師

千年閱古堂誰歌鄭國詩公闕古堂當公有詩徘徊老柏前因

送秋鶴飛悠悠五色雲悵望今何歸


僊臺

碣石來海際西南奄全燕中有學僊臺燕平欲昇天

燕平骨已朽遺臺猶相傳雖復生清松歲久摧爲煙

極目望海波不見三山巔三山巨鰲簪山人蟻蝨然

使無不足論信有亦可憐大塊如洪爐金石能久堅



天地會有盡何物爲神僊空山無笙鶴落日下饑鳶
今古非一臺浩歎秋風前

黃金臺

燕山不改色易水無新聲誰知數尺臺中有萬古情
區區後世人猶愛黃金名黃金亦何物能爲賢重輕
德輝照九仞鳳鳥才一鳴伊誰腐鼠棄坐見饑鳶爭
周道日東漸二老皆西行養民以致賢王業自此成
黃金與山平不掇兵縱橫落日下荒臺山水有餘清

張燕公讀書堂

陰壁下寒泉陽崖隱深洞想像張幽州當年此絃誦

三賢文集

靜修卷之三

二

遐情納方寸灑露驚宵夢既有真積功豈無致時用
不然起絕學猶當垂後統濟唐開元儒臣相伯仲
文雖數燕許名不並姚宋遂令百世下烟霞抱餘痛
尋幽縱步貪懷古清歌送緬思白鹿翁眼中見連棟
茲山有道氣會遇或天縱聊以永今朝白雲不可種

馮瀛玉吟詩臺

林壑少佳色風雷有清秋爲問北山靈吟臺何久留
時危亦常事人生足良謀不有撥亂功當乘浮海舟
飄飄扶搖子脫屣雲臺遊每聞一朝草尙作數日愁
朝廷乃自樂山林爲誰憂視彼昂昂駒柰此汎汎鷗

四維旣不張三綱遂橫流坐令蚩蚩民謂茲聖與壽
蚩蚩尚可恕儒臣豈無尤不有歐馬筆孰能回萬牛
太行千里來蕭洒橫中州今朝此登臨孤懷漲巖幽
何當剗壘幃一洗佗山羞

龍潭

盤磴脫交蔭平壇得高岑高岑下可攀哀湍激幽音
窮源豈不得爽氣來駿駿靈潤發山骨沮洳下崖陰
爲問石上苔妙理誰曾尋乾坤有乾溢此水無古今
下有靈物棲倒影毛髮森東州旱連歲呼龍動雲林
顧此百丈潭豈無三日霖爲霖此雖能鞭策由天心
三賢文集 靜修卷之三 三
日暮碧雲合空山澗復澗

名飲山亭

飲人不飲酒千載誰與期賴有此山色我杯時一持
西郊遊市井林亭對山暉主人知愛客釀酒無虛時
佳客麟鳳然人亦難致之君亭有吾山招飲當不辭

西山

西山澹無姿中有羲皇前翻思太古人事業何不傳
三墳亦何罪世遠成灰烟紛紛後來人暮死朝爭妍
勲名史一策學術文千篇古人豈不然後有無窮年
惟餘方寸心天地相後先

池上

今朝好風日出門何所之西域得山多一水揚清漪
溪翁指水言此貨天下奇不有禮百區猶當稻如坻
擬從陶朱公斷取高陽池纍纍九州谷隱隱千石陂
食魚素無望觀水今有期所期徧區域不見貧者飢

歡飲

同類天地中相親理所宜前後億萬年而我生此時
前予旣不及後孰能待之同時四海內徧識將無期
所識旣無幾賞心又當誰政有賞心人會遇亦復希
當其會遇時豈無事相違今朝好風色不飲君何辭

三賢文集

靜修卷之三

四

女蘿生松枝

女蘿生松枝不及松生年松枝摧爲薪豈知山石堅
誰云高山雲曾見天地先人生朝露爾豈止蜉蝣然
蕩蕩山海圖悠悠皇極元其間何物無何事無推遷
事有古今希達觀如寒暄君今不遠游自苦良可憐
有大如天地

有大如天地日夜長乾乾有小如螻蟻營營誰使然
我亦形蹟中豈得獨安閑萬物相爲用錯綜盈兩間
如身百骸具少一爲不完有形無虛生豈予獨贅偏
森然氣分內旣有不可鑄蝮蛇誰宥之生生亦能延

安有人道尊湮滅獨不傳乾乾以爲師餘者一聽天

孤雲

孤雲生幾時冉冉何所適豈無崑華高路遠嗟獨力
徘徊天中央明月爲顏色下有幽棲士歲晏倚青壁
朝飲澗下泉暮拂松間石相對澹忘情倒影寒潭碧

集陶句二首

人生豈不勞終古謂之然孰是都不營早起暮歸眠
過足非所欽躬耕非所歎但使願無違甘以辭華軒
正爾不可得在已何怨天自古有黔婁被服常不完
榮叟老帶索饑寒况當年何以稱我情賴古多此賢

三賢文集

靜修卷之三

五

善惡苟不應鬼神昧茫然是非苟相形行止千萬端
世路廓悠悠聊且憑化遷居常待其盡任真無所先
詩書塞座外弱子戲我前親戚共一處餘糧宿中田
促席延故老斗酒散襟顏聊以永今朝百世誰當傳

晨起書事

丁丑五月十八日

蒼星彗明河三月麗朱方兩月忽散落一月留中央
下有五星連西近東少張仰面東北隅流星墜絳芒
誰令月有塵飄搖及吾窓須臾日東生有星環四旁
一星當日中佇視搖晶光自北忽西旋老陽已榆桑
西北雲一絲翠暈揚清芳嫩雲生碧蘚得句聲琅琅

俄見雲有魚其大丈許長火繩紛繞之昂然欲飛揚
呼友與共觀此境已茫茫靈樞夢爲病周官夢爲祥
籟言札諸闈庸俟知者詳

偶書

開眼昭昭天無形有痛痒斯人亦安忍劉喪甘自枉
視中蝨一齧其死隨翻掌乃知天人間感應如影嚮
游天城

逕遠澗隨曲崖深山漸少居然翠一城四壁立如掃
天設限仙凡雲生失昏曉平生萬事懶登臨卽輕矯
山靈知信息風煙久傾倒顧瞻困能仰汎應習稱好
三賢文集 靜修卷之三 六
端居得蕭寂遠眺碍孤峭乃知方寸間別有萬物表
未須凌絕頂胷次青已了

游源泉

叢祠鬱蒼翠萬古藏清幽冷然石上足不逐蒼波流
長風索我御欲舉仍遲留白雲何山來相對亦悠悠

玉溪精廬

居然山四頽危檻俯晴春川氣生不極翠澗流衣巾
林陰起薄暮酒色生微醺歌聲忽落谷驚歸欲飛雲

隱仙谷

山川含太谷風氣如未開中有幽棲人日暮斲蒼苔

吾胷素義皇人世不可諧此地復何地恍若春登臺
山肩掩對峙石徑迷縈回桑麻連水竹屋宇依山崖
燕南避世謠千古知我懷橫渠百世師一區竟相乖
知音得元老龍門有遺齋伊川先生上文潞公求龍
門庵地書畧曰勝善上方
舊址荒廢爲無用之地欲得葺幽居其上爲避暑著
書之所唐王龜翔書堂於西谷松齋之名傳之至今
某雖不才亦能爲龍門添勝勝賤子孤旅人念此良悠
迹於後代爲門下之美事
哉於世豈有望居山亦無媒舉杯對山靈欲去仍徘徊
他年要勝跡此駕當招來

遊雲水庵

乘春奮幽潛觀化登丘山哀淙聞遠壑息駕思雲關

三賢文集

靜修卷之三

七

墾石密松桂結屋瓊茅菅生煙紛漠漠激流散潺潺
山石浮壽色澗木榮歡顏覽物有真意撫節驚循環
悠然千載情儼若盤石間眷焉欲晤語古人何當還

題歲寒亭

西州有佳士種松秋水垠歲寒得所師名齋豈徒云
要知松栢心亦願濯南薰交枝鬱葱蒨喜與萬木群
當此搖落中勁節獨排雲雖得後凋知歲寒非所欣

泛舟西溪

萬山倒滄浪一葉凌差峩峩爲飛舞翠影如婆娑
輕陰散雨足淨綠生圓波人間碧海幻老眼青銅磨

風雲幾千古辨此雨一簑溪南有幽人鼓棹前山阿
烟淡渺無處月色浮松蘿

會飲山中

鳴禽變初節白雲思高山笑拊蒼然石爲謝區中緣
舉杯屬何人四顧心茫然雲煙互吞吐巖壑如相先
人間此幻境過眼成千年山家有酒令飲外可無言

喜雨

以雨我公田
分韻得雨字

壬申秋大水一雨乃孤注九年錙寸積曾未辨朝露
陂塘此何日還我滄洲趣夜來雲初作期待一如故
旣聞漸成陣尙謂行且住甫寸驚已狂及犁歎無數
三賢文集 靜修卷之三

八

平明報三尺感激淚將雨立功亦雄哉回旋易捐顧
呼酒欲鯨吞哦詩有神助區區喜與憂豈爲一飽慮

雪花酒

分韻得
如字

古人重甘澤雨雪名所居何如千里白飲之寄一壺
神物與造化醞釀同機樞夢中聞酒熟天花已紛如
况復吟風亭興來操百觚天地無餘春山澤豈全臞
何當一灑之豐年徧寰區收藏有奇功六月天爲鑪
水壺連水鑑千載誰與俱林間有清風此酒不可無

種松

萬牛來丘山大廈高崔嵬當年誰苦辛遺此千歲材

手持百松子與之俱傾頽殷勤屬造物爲護荒山隈
今來見豪末喜溢蒼烟堆十年望根立百年排風雷
自此千萬年再見明堂開東家十年計戢戢千頭栽
豈不早有望求此良悠哉

詠梅

燕南舊無梅寒花爲誰芳月色隱清艷幽香竟難藏
寸心警殘雪孤根待朝陽只有橫斜森萬里同昏黃

白蓮

冰華離風塵素質更深靜灝露凝幽香皎月散清景
誰並絕世姿澹然水中影青房生苦心秋風逼涼冷
三賢文集 靜修卷之三 九
安得同愛人共此良夜永

玉簪

堂陰秋氣集幽花獨清新臨風玉一簪含情待何人
含情不自展未展情更真徘徊明月光泛泛如相親
因之欲有託風鬟渺水輪

瑤花圖

淮海秀瑤枝獨立映千古遙知辨此初坤靈心亦苦
平生勞夢想江烟隔南浦春風不相待回首已焦土
畫圖今見之依稀春帶雨芳心紛已碎仙葩聚如語
瑤臺舊高寒人間此何所翩翩風袂輕幽杳暗相許

八月十七日望

前日中秋節今宵月方圓人間歡賞景此際吾獨觀
吾觀意有在高歌問青天蒼蒼非正色而况此嬋娟
去我當遠近相值果正偏徑圓知幾許附麗或空懸
既疑紈扇如復昧左右旋有食定何物中黑胡爲然
何當凌倒景迨視如弄丸一袂萬古惑如生天地先
吾觀意在此餘光何足憐

四皓二首

智脫暴秦綱義動英主顏鬚眉不得見猶思見南山
每當西去鴻日極天際還馬遷歌采薇託名夷齊間

三賢文集

靜修卷之三

十

孰謂紫芝曲能形此心閑鄙哉山林槁搏也或可班
安得六黃鵠五老相追攀一笑三千古浩蕩觀人寰
留侯在漢庭四老在南山不知高祖意但欲太子安
一讀鴻鵠歌令人心膽寒高飛橫四海化鷄生羽翰
孺子誠可教從容濟時艱平生無遺策此舉良可歎
出處今誤我惜哉不早還何必赤松子商洛非人間

嚴光

文叔雖天子因陵位愈尊爲陵成高節此亦天子恩
兩星映千古精爽如尙存有此謹厚者可贈狂奴真
巢由本不經恠妄徒擬倫中庸久蕪沒矯激非天民

惟餘仁義語至今凜若新想像富春石崔嵬猶起人

翟節婦詩

并序

昔金源氏之南遷也河朔土崩天理蕩然人紀爲之大擾誰復維持之者而易之西山乃有婦人曰翟氏年七十餘其夫從軍死於所事翟出入兵刃徃復數百里晝伏夜行以其尸歸負土而葬之既葬自以蚤寡無子遭時如此思以義自完乃自決於墓側鄰里採而復蘇終始一節今八十餘年矣夫人心之極有世變之所不能奪者於此亦可以見之予聞之爲作是詩俾其外孫田磐刻之石或百世之下有望蕺山而歌予詩者使翟之風節凜然如在亦庶幾乎吳人河女之章焉

三賢文集

靜修卷之三

十一

兵塵浩無際烈女難自全婦人無九首志欲不二天燕山翟氏女既嫁夫防邊一朝聞死事健婦增慨然生有如此夫蚤寡非所憐求尸白月中負土家山前事去哀益深義盡身可捐無兒欲何爲所依惟黃泉鄉鄰採引决烈日丹衷懸誰辦節孝翁重賦睢陽賢我昨過其鄉山水猶清妍聞風髮如竹飄蕭動疎煙千年吟詩臺峩峩太寧巔爲招馮太師和我節婦篇

大寧山有馮道吟詩
臺距翟居甫數十里

燕歌行

薊門來悲風易水生寒波雲物何改色游子唱燕歌
燕歌在何處盤鬱西山阿武陽燕下都歲晚獨經過
青丘遙相連風雨墮嵯峨七十齊郡邑百二秦山河
學術有管樂道義無丘軻蚩蚩魚肉民誰與休干戈
往事已如此後來復如何割地更石郎曲中哀思多

吳山夜雪圖

江南無寒歲一雪今幾時吳山豈無春盡此寒崑
壯哉萬里流不廢東南馳胷中謾長風俯仰今古非
三賢文集 靜修卷之三 十一

誰能唱小海爲和大江詞

白馬篇

白馬誰家子翩翩秋隼飛袖中老蛟鳴走擊秦會之
事去欲名留自言臣姓施二十從軍行三十始來歸
矯首望八荒功業無可爲將身弭大患報効或在茲
豈不知非分常恐負所期非干復讐怨不爲酬恩思
備哉八尺軀膽志世所希惜此博浪氣不遇黃石師
代天出威福國柄誰當持匹夫赫斯怒時事亦堪悲

答樂天問 三首

二氣曰交感變態何紛紜清濁與厚薄賦與定難釣

世運如四時類聚仍群分升沉與奪間今古亦難倫
天道自悠遠百年寓此身未來不可見既往有未聞
愚者或貴壽賢者或賤屯龍亢豈無悔蠖屈豈不伸
君自不知此何云詰義文

二

邈哉開闢初造化惟陰陽錯然入形化一受不可忘
稻梁固爲愛豺狼非故殃物理本對待生氣常相將
孔聖豈無後暴秦不可長鬼神禍福機昭昭亦可量
桃鬻李樹死城焚池魚傷外來非我取生意自洋洋
君何不思此徒欲問穹蒼

三賢文集

靜修卷之三

三

三

樂天種香草有艾同根株鋤漑雨相妨題詩問何如
恨君計已晚草草種樹初根荄不早辦使與莖葉俱
鋤根固相傷莖葉猶可除臭葉日以除香莖日已蘇
區區彼微根僅有知無餘雖澆灌漑恩生意已漸疎
君今尙未決歲晚益難圖

代來使答淵明

何時發天目山中雲出時出山山更佳草木非所知
公田幸有秣何問菊與薇一笑領此意翁豈爲酒歸

幽禽

幽禽初出谷其聲何熙熙但知春可鳴渾忘蟄凍時
天生復天殺恩怨敢自私寥寥古人心世遠今誰知

寓意 三首

萬木凍欲折中有天地春一元貫萬古生意誰能屯
但苦未克滿此心終難伸秋風髮毛改卓爾顏色貧

二

愁陰翳陽景超然慕遠遊天風忽吹衣命駕崑崙丘
冰壺洗秋露霽月霜空流平生多故人回首生離憂

三

世路空巖巖遊子天一方况是青春淡桃李爭芬芳

三賢文集

靜修卷之三

十四

相媒有百鳥巧韻無絲簧客行雖云樂歸哉非故鄉

有懷

朝詠小招詞暮歌白頭吟出門何所適欲語誰同心
豈無平生交顏色非真金目送西南鴻令人思之深
思子不可置誰從懷好音年意惜已往進脩徵來今

獨酌

青山淡無夢相憶無由來每當西北風曠然開我懷
爲從山中至對之舉吾杯主人有佳客此門容勿開

月下獨酌

佳月靜可飲一天明水寒餘光泛不極徘徊尊俎間

但覺涼露下不知清夜闌醉眼吾有興君當下兩山

書堂谷晏坐

上負青天壁下引碧澗滋中有晏坐石日夕忘吾歸
永懷幽棲人千載誰與期人間九瀛海莽蒼天相圍
黃塵重如霧舉手不欲揮白雲如可招願作雙鶴飛

九日登洪崖

有道士居此今
二十年不睡

早居不見秋登高自誰始清狂未免俗謹厚亦復爾
山光故相迎百步翠可倚屈指數勝游茲山居食指
高絕讓龍門平敞亦專美群山渺波鱗天開見洪水
列岳真情塵遐瞰小十里卻恐行路人視予旋磨蟻
三賢文集

八輯修卷之三

十五

解衣林表坐爛摘蒲萄紫甘漿來遶巡毛骨脫泥滓
勝境得真賞泉石迥如洗况有幽棲人嗒然空隱几
相對已忘言一笑雲林喜回首暮煙淡高歌望吾子

游龍宮

翠澗如生烟石瀨欲無雪縱目失平地仰面猶清樾
時節未當春生意方謀泄隨時久閉藏與物今超越
茲游豈人力勝境殆天設拊石看棲龍髣髴仇池穴
聞說如杳源自古有深絕拂衣徑欲往不見當年轍
獨立馭長風哀歌山石裂

登聖庵

緩轡指西山振策凌崇丘臨風一回首擾擾令人愁
蒼石負岧嶠碧草藉芳幽長林泛餘霽初節成高秋
端居氣始平頽然漸神游舉目欣所期叩心思欲酬
爲問石上松千年爲誰留飄飄巢居子歲晚同歸休

三月二十二日同仲韞飲北溪

分韻得
卻字

世紛謝已久恍若隔今昨惟餘北溪雲可愛不可卻
時當持詩往報復亦不惡百年何將軍山林未寂寞
北溪擅佳名春服有成約頗聞張氏宅池館自疏鑿
不須弔鵝池且喜餘岳壑春風覺我來佳色動藂薄
烟霏效奇供乍喜復可憐顧盼不暇給遲回迷所託

三賢文集

靜修卷之三

六

清泉會人意愛弄入杯杓觴流水故遲歌發聲仍作
野蕪旋克盤舉網聞魚躍生徒展餘敬賓主雜善譁
圖畫沂上翁意象窪尊酌蒼苔笑仰天微風蕩雲幕
禽鳥過我鳴似語翁正樂大笑昔人愚所見未脫畧
後來亦塵跡俯仰語成錯人心妙無際崑崙復磅礴
一元貫萬古普遍無邠郭雅意不可言商歌滿寥廓
源泉古北溪也金大行人張通古故居今爲
巫覡所據吊鵝池見錢氏吊右軍宅文

秋晚登西山

十日罷琴誦招搖慕飛仙天風何許來吹我蒼崖巔
誰知此絕境秋花亦芳鮮采采泛清尊山客變春妍

只應城中人遙知弄雲煙若見孤鴻來可咏悠然篇
九日攜諸生登西山

九日秋服成童冠從我游萬古清沂春重結西山秋
白雲歸青岑狂瀾落滄洲永嘯長風來爽籟生崑幽
清商失搖落生氣浮林丘門生顧我言樂矣行歸休
風袂尙飄然此意浩難收

沙溝二詠

丹霞凌日觀餘津浩難收蒼涼蘇病骨醉暈浮崑幽
萬象春意融頽然得歸休擾擾路傍子無勞歌遠游

右漱
霞巖

三賢文集

靜修卷之三

七

嶠岷多露草秋空挹飛泉胸中玉芙蓉滿意清冷淵
火食困煩鬱下顧心茫然何當分一杯洒落齊州煙

右飛
泉亭

六華峰

入山採靈芝濯足東澗濱白雲不可招丹霞有餘津
長風忽絕頂悠哉凌翠氛舉手問浮世此子今何人

寄宋生

西南吾楚澤吞三江五湖眼中此尤物不可一日無
有客報渾一胸次如還珠望極不可到逸興風飄裾
家人笑挽之恐遂凌空虛寄聲宦游子歸與江山俱

閉門望雲濤屋梁雙月孤西陵斷巴蜀南雲渺蒼梧
徑圓一千里杯酒納有餘新詩想瀟洒爽氣餘清臞
明朝函丈中坐對江陵圖

送劉校書回

祁陽堯故國淳朴餘山川每見祁陽人心如對堯年
而况賢宗盟久矣相周旋今年護我歸青山照華巔
處我旣以禮贈君可無言言動戒在戲當誦東銘篇

李伯堅宣慰荆南

李公伯堅幼以世家子入事北安王來典保

定蓋爲王守分地也安靜樂易屈已下士郡

三賢文集

靜修卷之三

六

嘗被水災力請於朝多所蠲復郡人賴之爲

郡五年王朝京師有司被王教宜奏公宣慰

一道至元二十七年二月十五日詔下當往

荆湖保府諸公賦詩爲贈郡人劉某爲之叙

荆南壯哉郡作鎮多英奇三年廉相國千古甘棠詩

聞公相國客荆人恐來遲公來何所望望如相國慈

有子父乃顯觀臣王可知榮親與報王勉力在此時

凡物

凡物能振厲卽見生意融慢氣或少施衰颯不自充

志至有定位敬勝多奇功強哉復強哉德業將日隆

植榴

植榴將食實三年不見花日夕灌溉勞物情自可嗟
今朝兩相忘靜綠清且佳三嘆詠此意不覺芳陰斜

學東坡小圃五咏

僊苗被城郭聞之杞國人始疑制名初義與荆楊均
遠慚勾漏令空望黃河濱常山古靈潤烟霞流餘津
青萸發丹乳厚餉謝我神世人厭肥膩思與雅淡親
客來薦蔬茗用以華吾貧方書自有本疑信未敢真
偶思青城山山人壽且淳手持羲皇書念此區中民

右柳杞

三賢文集

靜修卷之三

九

山行多上藥地賤名亦辱村民誇善染功能竟誰錄
仙翁種藝法隱處未成卜旅居容少試膏土早深斲
頃筐如有秋靈液光潤屋俯鑑益影中華髮已成絲
九醞謝清泉隣墻浥餘馥朝陽發蒼涼與世解醒毒
元氣久蕭索內熱紛相逐黃鵠憑寄聲山中酒方熟

右地黃

金行發黃素風露饒甘馨政使非上藥猶當克前庭
對花誦陶詩持詩問淵明帝鄉不可期安用制頽齡
忍饑啖松栢直以奴僕輕東坡豈忘言空腹嚼落英
采采還自笑君今何所榮無病不服藥邵子有深情

壽夭付天公歐陽差失平吾心在蠲疾持此報兩生

右甘菊

玉延事韜養朽壤深以密短椽受柔條葱鬱護風日
貧居乏肉味勞力苦羸疾松聲泛綠畦夢聞石鼎溢
初疑湯餅滑乍見晴雲出和飲宜杏酪煎糜縷崖密
餉隣報吹芋留客代煨栗入藥宜自撰留種戒勿失
奇人分嘗薄計用今六七靈物聞善化慎勿輕呵叱

右薯蕷

黃精晚得名丹家貴失草藉藉僊經中參朮避華藻
名高有物忌揀莽幾摧倒春風人溝晚英翹忽已好
三賢文集 靜修卷之三 三
咸子灌溉恩糜身錫難老豈無難老願所願在探討
世變閱無窮乾端見更造此志理難遂歛之寄襟抱
釋爾任重憂歲晚共一飽

右黃精

郭翁詩 并序

翁名恩本相人少爲輪扁業亂後流寓保定
年今近九十矣早與其兄相失後聞其居河
南老無所依翁乃三往迎之及至奉事惟謹
與同寢處翁家貧素無僕御其兄臥病翁親
爲浣滌厠踰其兄臨終嘗以遺骸歸祔爲託

而翁亦極力以成其志郡中諸老人與翁年
相若游相好者數數爲予道翁行事如此予
感嘆不已爲作是詩

佳木交清陰欣然動人意况聞翁之風能不有生氣
此翁少有兄干戈鄉縣異哀鳴念羈孤相思勞夢寐
自誓畢此生復爾歡聚遂千里三往還竟扶籃與至
夜雨一方床春風滿天地家無十歲僮百役一身寄
效兒浣厠踰代婦理中饋生忘憊獨憂死免道路棄
關河隔故丘走送狗歸志大義今已全初心始無愧
翁本不識書所知惟藝事作詩美翁賢亦以警士類
三賢文集 四 靜修卷之三

友善堂詩送文子周使江西

五

我借客鎮州東隣友善堂一別今十年主人髮如霜
百年翰林銘許與聲琅琅愧昔知君淺喜今窺汪洋
暫會復遠別江山懷豫章舉目見良朋胸中非故鄉
但憂兵亂餘民氣恐不揚人生貴樹立事業在此方

李從事北上

在昔爲趙客君方椽鎮州前年從事保我爲鄉人留
今聞當上計適值將南游區區四五年足跡無少休
窮達雖云異飄泊同羈愁

行家園藥畦

極覽力不任近尋情亦親勤人良可愧生物庸非仁
氛雜沒畦隔洗去如游塵激流不知小因風亦生鱗
羊乳生氣少靈麗渺無聞牛嬾頰肥澤老馬或當神
薯區才數本鴈粥思及鄰庭前席許地可望濟病身
茫茫天宇間此意難重陳

種芋

借地斷深區西鄰計已成雖無范陽種尙愛君子名
糞壤豆箕爛南風綠雲平欲知子有孫當驗葉與莖
饑腸日有望歲晚分杯羨未築學圃亭先著種芋經
欲持已試驗盡今鄉社行

三賢文集

靜修卷之三

三

蜀葵

蜀葵落秋子已能成小叢如何同枝花隱隱纔含紅
一氣有先後萬物誰窮通伊誰嘆遲暮來此尊酒同

重游北溪

分韻得
暉字

蒼黃淡野色草樹含清暉林居隱葱蒨晴嵐散霏微
歸雲有真意鳴禽發天機勝處必深會輕觴豈虛揮
山泉來何從北望空依依

呈保定諸公

燕垂趙際間人物熒珪璋諸侯舊賓客一郡宗賢良
士窮叫知己人渴思蒙漿諸公且勿嘆賤子伸餘狂

駟幼有大志早游翰墨場八齡書草字觀者如堵墻
九齡與太玄十二能文章遨遊墳索圃期登顏孔堂
遠攀鮑謝駕徑入曹劉鄉詩探蘇李髓賦薰班馬香
衙官賓屈宋伯仲齒盧王斯文元李徒我當拜其旁
呼我劉昌谷許我參翱翔眼高四海士兒子空奔忙
俗物付脫畧壯節持堅剛前年脫穎士峩我勢方颺
欲求伸汨沒今反墮渺茫少小嬰憂患痛切摧肝腸
零丁嘆孤苦片影吊愴惶溺身朱墨窟人事如冰霜
高才日陵替壯志時悲傷駑駘欺赤驥鳴臬笑鳳凰
妾婦妬逸才浪寄讒舌長紛然生謗議鋒豈不可當
三賢文集 靜修卷之三 三

不忍六尺軀縮項俄深藏諸公富高義刮垢摩我光
去留從所適爽氣生西廓

擬古 三首

孤蟾皓素色寂寂虛堂深傷彼蘭蕙花鬱鬱芳幽林
美人天一方佳禽響遠音我有一卷經洞徹天地心
我有一寸鐵蕩滌妖氛沉心定有天游淵乎秘中襟
所得不可說此理神其歎

浮雲翳陽景靈飈扇我衣男兒志萬里誰復傷別離
我生十五年世事猶未知慨然慕意氣遠與千古期
高風不易攀俗紛亦已羈所智必我拒所期必我違

哀歌仰天問生我亦何爲撫劍一太息晝夜中情馳
人生天地間太倉梯粟微苟無金石姿耐此日月飛
當勉立髮歡勿取塵世嗤一笑群憂夫三盃萬事非
豈不志功名功名來未遲萬物各有時時兮不再違
憶昨初讀書人曰饑寒甚今日追斯言誠哉不我欺
屠龍無所用不如學履稀鏤錡非所授不如囊中錐
多少白面郎屈節慕身肥奴顏與婢膝附勢同奔馳
吮癰與舐痔百媚無不爲丈夫寧餓死豈無需臚期
鴻鵠凌雲志燕雀焉能知二禽登寥廓尺鷃笑藩籬
世能盡佞鬼吾將誰與歸

三賢文集

靜修卷之三

十四

秋夕感懷

新京入郊墟金風蕩秋夕輕河皎素練寒霜澹白壁
星斗闌干橫孤堂更岑寂游子起中庭感慨心襟激
對酒露肝膽豁然清塵臆玩世風生口聞懷月滿席
長嘯一聲秋雄談羣動息壯志海山平任氣天地塞
醉舞捫斗牛浩歌振金石哦吟驚鬼神俛仰洪荒窄
恥爲時輩羣追思古人迹人生少年肯分陰真可惜
寒窓一經老區區竟何益學劍覓封侯行行匹夫敵
男子志斯民安用書劍癖皎然方寸間自有平安策
一日風會雲四方賢路闊致身青雲間高飛舉六翮

整頓乾坤了千古功名止

匏瓜亭

匏瓜隕自天中涵太虛氣造物全其真世人苦其味
雖得終天年惜坐無用器伊誰竅混沌大朴分爲二
一供顏淵樂一爲許由棄顏有聖人依許逢堯舜治
天下非其責行藏適自遂秋色高箕山春風滿洙泗
後來鼎鑪徒誰知兩瓢貴寥寥千載間復墮無用地
神物終有歸至人可重值偉哉子趙子獨兼許顏義
匏瓜集大成高亭挹空翠感君亭上名發我思聖喟
人知聖人言孰有聖人志聖人心如天何待無生意

三賢文集

靜修卷之三

五

肯無不可爲人無不可致吾道苟寸施吾民有寸庇
堅白自有持磨涅豈無累豈不欲無言恐與瓠瓜類
仲子誠少野強直無再思聖人進退閒歷歷生私議
請觀欲往心豈與乘桴異我生學聖人棲棲形寤寐
窮年憂道喪漫自中腸沸君才當有爲自以無用置
我才當無用自以有爲覲物性雖有殊我心良可媿
願君志我志才志庶相利使君名我名名實亦相位
惜彼匏中酒供我浩歌醉行當取其種移來易川植

寄故人

明嘗延俊秀獨分老丘園道德心猶負貧窮氣尚存

從容思洛社親炙憶程門別後區區意聊爲知己言
淹留乏世用憂戚賴天成行樂肩輿在廬休縞袂輕
終身雖有素生物豈無情高詠風雲意行藏問此生
和陶五言古

和九日閑居

深居忘晦朔好事惟侯生偶因菊酒至喜聞桂節名
香醪泛寥廓醉境還空明青天凜危帽浩蕩空秋聲
緬懷長沙孫生氣流千齡乾坤一東籬南山久亦傾
回看聲利徒僅比秋花榮無時感遺事可見萬古情
興詩此三復淹留豈無成

三賢文集

靜修卷之三

三

和歸田園居

五首

小小不解事談笑論居山爲問五柳陶栽培幾何年
安得十畝宅背山復臨淵東鄰漢陰圃幽家鹿門田
前通仇池路後接旻源間熙熙小國樂夢想羲皇前
石上無禾生燦爛空白烟營營區中民擾擾風中顛
未論無田歸歸田誰獨閒迂哉仲長統論說徒紛然

二

商顏高在秦天馬脫羈鞅東鄰高在漢雲鴻渺遐想
超然秦漢外當年誰長往每讀淵明詩最愛桃源長
北望徐無山幽棲亦深廣空和歸田吟商聲振林莽

三

塊坐生理薄出門交友稀田翁偶招飲意愜澹忘歸
游秦驚避竈過宋須微衣永謝門外屨從翁不相違

四

魯甸五十畝簞瓢足自娛顏生未全貧貧在首陽墟
商顏遇狂秦蕭然真隱居箕山彼何爲結巢松一株
富貴豈不好有時貧不如在卷非不足當舒豈有餘
誰持三徑資笑我囊空虛備書易斗米吾田亦非無

五

吾宗古清白耕牧巨河曲雖非公卿門紆朱相接足

三賢文集

靜修卷之三

毛

陵谷變浮雲家世如殘局舉目遺安齋

先考嘗題所居齋遺安

先訓炳如燭區區寸草心依然抱朝旭

和飲酒二十首

尊鼻上玄酒此意誰得之人道何所本乃在羲皇時
頗愛陶淵明寓情常在茲子倡我爲和樂矣夫何疑
有問所樂何欲贈不可持

二

醉翁意自樂非酒亦非山頽然氣冲造酒功差可言
謂此不在酒得飽忘豐年君知太和味方得酒中傳

三

阮生本嗜狂欺世仍不情酒中苟有道當與世同名
何爲戒兒子不作大先生良心於此發慨想令人驚
士生道喪後美才多無成

四

草木望子成豈憂霜露飛禽鳥忘身勞但恐饑雛悲
生意塞兩間乾坤果何依我旣生其中此理須同歸
喜見兒女長不慮歲月衰雖爲曠士羞理在庶無違

五

山人有靜癖苦厭一瓢喧奈何衆竅號萬木隨風偏
我常涉千里險易由關山今古一長途遇險焉得還

三賢文集

靜修卷之三

天

哀歌嘆安歸夷皓無此言

我安適歸謂伯夷歌吾將何歸謂四皓歌此司馬遷

皇甫謐所作非知夷皓之心者

六

茫茫開闢初我祖竟誰是於今萬萬古家居幾成毀
往者旣已然未來亦必爾何以寫我心哀泉鳴綠綺

七

生構萬人氣乃號人中英以此推衆類可見美惡情
陰偶小故多陽竒屹無傾誰將春雷具散作秋蟲鳴
旣知治長少莫歎才虛生

八

凝冰得火力鬱鬱陽春姿寧滅不肯寒陽火如松枝
詩家有醇醪釀此松中奇一飲盡千山枯株彼何爲
所以東坡翁偃蹇不可羈

九

黃河萬古濁猛勢三峰開客持一寸膠澄清動高懷
飛駕探崑崙尙恐志易乖囑我乘浮槎徑往天池棲
就引明河清爲洗崑崙泥相看淚如雨千年苦難諧
何當御元化擺落人世迷下覽濁與清瞬息千百迴

十

十年小學師一屋荒城隅饑寒吾自可畜養無一途

三賢文集

靜修卷之三

五

亦愧縣吏勞催徵費馳驅平生禦窮氣沮喪恐無餘
長歌以自振貧賤固易居

貧賤易居貴盛難爲乃稽叔夜詩

十一

士窮失常業治生誰有道身閑心自勞齒壯髮先老
客從東方來溫言慰枯槁生事仰去聲小園分我瓜菜
好指授種藝方如獲連城寶侂年買溪田共住青林

表

十二

此身與世味况若不同時惟餘雲山供有來不徑辭
時當持詩往報復禮在茲有客向我言於道未無疑

不爲物所役乃受煙霞欺聞此忽自失一笑姑置之
十三
執價韓伯休混跡在人境百錢嚴君平閱世心獨醒
我無騰化術凌虛振衣領又無辟穀方終年酌清頻
會須學嚴韓遺風相煥炳

十四

吾宗幾中表訪我時一至自吾居此庵才得同雨醉
逆數百年間相會能幾次每會不盡歡親情安足貴
所歡在親情杯水亦多味

十五

三賢文集

靜修卷之三

三

器飲代窪尊巢居化安宅凡今佚樂思孰非聖神迹
况彼耕戰徒勤力有千百乞我一身閑坐看山雲白
內省吾何功停觴時自惜

十六

四時有代謝寒暑皆常經二氣有交感美惡皆天成
天旣使之然人力難變更區區扶陽心伐鼓達天庭
乾坤固未壞杞人已哀鳴雖知無所濟安敢遂忘情

十七

諸生聚觀史掩卷慕高風元如遠游仙獨居無事中
盛衰闕無常倚伏誰能通天方卵高鳥地已產良弓

人生皆樂事憂患誰當得人皆生盛時哀世將盡感
水性但知下安能擇通塞不見乾干雀貪生如樂國
古今同此天相看無黷默

十九

人生喪亂世無君欲誰仕滄海一橫流飄蕩豈由已
弱肉疆之食敢以凌暴耻優游今安居驩然接鄰里
曲直有官刑高下有人紀貧羸誰我欺田廬安所止
舉酒賀生民帝力真可恃

二十

三賢文集

靜修卷之三

三

人君天下師垂衣貴清真義皇立民極坐見風俗淳
有德豈無位萬古湯盤新師道嗟獨行此風自周秦
獨行尚云可誰以儒自塵有名卽有對况乃一行勤
聖人人道爾豈止儒當親儒雖百行一致遠非逃津
矧伊末世下空有儒冠巾何當正斯名遙酌千載人
和乞食

好廉中無實觸事或發之萬鍾忘義理一簞形色辭
吾貧久自信笑聽溝壑來偶聞啼饑子低眉問殘杯
兒啼尚云可寂愧南陔詩豈無乞貸念慚非動時才
人理諒多闕清規亦徒貽

和逋兩獨飲

吾心物無競米醉已頽然乾坤萬萬古坐我春風間
弱女亦何知挽衣呼我仙窺人簷鳥喜共舞風零天
舉觴屬羲皇身在太古先忽遇弄丸翁見責久不還
一笑了無間今夕是何年遙遙望白雲欲辨已忘言

和移居

二道

十年寓茲邑渾家如泛宅言念息吾廬頽然在斯夕
床頭四子書補閑薪水役寒蔬挂庭柯風葉滿麕席
藩垣護清貧簞瓢閱今昔珍重顏樂功先賢重剖析

三賢文集

靜修卷之三

三

躬耕力不任閉戶傳書詩資生豈師道舍此無所之
今年穀翔貴自笑還自思安居逢歲歉乘除動天時
疆顏慰妻孥一飽在來茲雪好炊餅大占年不吾欺

和還舊居

巨河西北來浩浩東溟隄河邊兩榆柳游子無窮悲
樹老我何堪物是人已非鄰翁醉相勞自云鬼錄遺
早晚見先公問爾今何依豈無磊磊功使我地下推
吞聲謝鄰翁讀書志不衰持此報吾親餘事手一揮

和沈明九

九月閉物初孤陽困無交園木眩霜紅豈解憂風凋

物外風雲春氣橫
海高舉手謝浮世
凝睇思層霄
揮觴送秋節
哀此造物勞
傾河瀉萬象
隨手如沃焦
崇高笑山斗
未能出鈞陶
况彼草間蟲
區區寒露朝

和有會而作 并序

今歲旱米貴而棗價獨賤貧者少濟以黍食
之其費可減粒食之半且人之與物貴賤亦
適相當蓋亦分焉而已偶有所感而和此詩
農家多委積淵明猶苦饑况我營日夕凶歲安得肥
衾裯一飽計何暇謀寒衣經過米麥市自顧還自悲
彼求與此有相宜成一非尚賴棗價廉殆若天所遺
三賢文集 靜修卷之三 三十三
惟人有貴賤物各以類歸小兒法取小淺語真吾師

和擬古 九首

鬱鬱歲寒松濯濯春風柳與君定交心金石不堅久
君衰我不改重是平生友相期久自醉中情有醇酒
義在何一家何地分勝負彼此無百年幾許相愛厚
持刀斷流水織瑕固無有

二

客從關洛來高論聽未終
連稱古英傑秉國或從戎
建立天地極蔚爲蓋世英
功成脫屣飄然肅遺風
生世此不惡君何守賤窮
急呼酌醇酒延客無何中

同游非所思所思天一隅有間所思誰意在言不舒
古今猶旦暮四海同一廬恍惚精靈通似見與我居
攬衣欲從之寒月照平蕪茫然不知處歎息將焉如

四

朝游易水側步上燕臺荒燕王好神仙不見金銀堂
江山古神器海色圍蒼茫哀哉王風頽日化爭奪場
據世豈無人齋志歸北印撫此重長嘆青山忽軒昂
呼酒樂今朝往事置一方遙知蓋棺後亦起千載傷

五

三賢文集

靜修卷之三

五

依依月光缺熒魄恒獨完清光如素絲長懷綴君冠
形雖隔萬里咫尺皆君顏望君君不來十年不開關
豈無黃金贈藉以青錦端愛惜明珠肯爲黃雀彈
庭前秋栢實月夜棲孤鸞君嘗寸心苦中有千歲寒

六

河澗高柏天沈水泆在茲自傷困無力乘彼朝宗時
顏色變涇渭風味存澗溜願君淡識察期君不相疑
此情良可憐感慨贈以辭辭云丹山鳥千載多苦思
身游九霄上不受塵世欺恐饑待竹實浩蕩今何之
歌以靈鳳謠亂以猛虎詩

七

西山有佳氣草木含清和道逢方瞳翁援琴爲我歌
音聲一阿希一唱三歎多問翁知此誰指我蟠桃華
所望在千年君今將奈何

八

翩翩誰家子慷慨歌遠遊忽記少年日猛志隘九州
何物能勸人有此歲月流君心海無底亦使成高丘
贈君一卷書其傳自衰周讀此當自悟擾擾將焉求

九

巖巖牛山木久矣困樵採望望深澗芝無人香不改

三賢文集

靜修卷之三

五

一葉振江潭輕波欲達海幽明理一貫影響不相待
願天誘臣衷所求惟寡悔

和雜詩

十一首

日食百馬芻足有萬里塵乃知一駿骨可百駑駘身
生汝天已艱天復無私親安肯養一物侵奪空四鄰
長饑汝自取况值秋霜晨難生復難長愁絕藝蘭人

二

胷中無全山橫側變峰嶺不及靈椿秋遂謂長春景
只見柏參天豈知根獨冷井蛙見目小夏蟲年不永
天人互償貸千年如響影廓哉神道遠瞬息若馳騁

平生遠遊心觀物有深靜

三

晝長夜乃短百刻君自量
羸餘雖可致君看蜜蜂房
董生論齒角三策奏未央
樂天喻花實妙理通陰陽
白詩荔茔非名
花牡丹無佳實稠薄只升米聽爾宜饑腸

四

好事理難阻人情多畏豫
芝蘭種不生鸞鴻動高翥
遂令好賢心艱親恐易去
巢燕不待招庭花免憂慮
所以末世不凡百古不如皎皎
千里駒肯爲場苗住
求賢非吾分切已在何處
平生取友志持此當驚懼

三賢文集

靜修卷之三

三

五

因觀倚伏機亦愛柱下老
時危不易度遜黜庶自保
不見春花樹隆冬抱枯燥
生意斂根底發泄敢獨早
聖德實天生自信耿中抱
猶存悄悄心庸人安足道

六

幼安返鄉郡知音得程喜
有問平生心但說臨流事
乾坤魏山陽史筆凜生意
物外此天民與魏偶相值

見通鑑
綱目

澹然涉世情月閑雲自駛
我作安化箴

上安
其賢

民化其德見
管寧傳注

韋絃不須置

七

太玄豈無知不覺世運迫爲問莽大夫何如成都陌

楊雄嘗師嚴君平

扶搖得真易長臥山雲白

扶搖白雲皆陳圖南語

中

有安樂窩氣吐宇宙窄消長聚以密我主彼爲客

觀先

天圖可見問子居何方環中有真宅

八

朝耕隆中田暮採成都桑平生澹泊志醜女同糟糠

愛此真丈夫忘我厨無糧當年靜脩銘圃茅鷄距陽

雞距保府泉名嘗管取武侯靜以脩身語名所寓舍靜脩龕

回頭十五載塵跡徒

自傷山居久岑寂主靜豈無方安得無極翁酌我上

池觴

三賢文集

靜修卷之三

三

九

燕南可避世逸興生雲端安得百里封一邑不改遷

絃誦和寒流溝涂映晴巖思此良自苦躬耕望盤餐

願從八吟翁

橫渠有八翁吟因自謂八吟翁

同結一芥緣買山不用

詩探囊謾千篇

十

西山霍原宅古跡猶可稽

見水經注

重吟豆田謠愁雲落

崩崖

豆田謠見霍原本傳

魯酒邯鄲固撫事傷人懷林宗自高

士此世淹亦彌一聞孺子語西風草披離知幾在期

哲何事經塵羈君觀括囊戒無盈庶無虧

我游深意寺郎山古清涼興妖如米賊乘時起陸梁

見五代史語不見重華帝所居亦成鄉乾坤師道廢春陽

變秋霜撫事三太息欲語意何長

和詠貧士 七首

陶翁本強族田園猶可依我惟一畝宅貯此明月輝

翁復隱於酒世外冥鴻飛我性如延年與眾不同歸

孤危正自念誰復慮寒饑努力歲云暮勿取賢者悲

獨正者危至方則礙爾實愀然中言而發遑衆速尤逆風先蹶此淵明規顏延之辭也見延年蘇公文

二

三賢文集 ▲ 靜修卷之三

美

王風與運頽一輕不再軒消中正有長冬溫見瓜園

人才氣所鍾亦如燭後煙寥寥冰泗心千載誰共研

龍門有遺歌三歎誦微言意長日月短持此托後賢

三

淵明老解事撫世如素琴似人猶可愛况乃懷好音

鄉閭誰盡賢招飲亦相尋豈有江州牧既來不同斟

仲尼每諱魯邦君誠可欽史筆自好異誰求賢者心

四

木石能受唾豈獨相國婁視唾若如雨漏入亦不酬

無心乃直道矯情實莊扁身外不為我袒裼吾何憂

伯夷視四海願人皆我儔吾謂下惠隘此說君試求

五

飲酒不爲憂立善非有干偶讀形神詩大笑陶長官
傷生遂委運一如咽止殮參回豈不樂履薄心常寒
天運安敢委天威不違顏莊生雖曠達與道不相關

六

物外有幽人閱世如飛蓬浮名不可近造物難爲工
西京二百年藉藉楚兩龔豈知老父觀才與薰膏同
爲問老父誰身隱名不通偶逢荷蓀者欣然欲往從

七

三賢文集

靜修卷之三

五

生類各有宜風氣異九州易地必衰悴蓋因不同儔
水物困平陸清魚死濁流鱗亡回旣天時也跼無憂
天亦無奈何自獻敢望酬寄語陶淵明雖貧當進脩

和詠二疏

委質義有歸乞骸老當去豈無戀闕心難忘首丘趣
在禮此常典末世成高舉漢庭多公卿圖畫兩疏傳
至今秦中吟感歎東門路目覩霍將軍功高擅恩顧
一朝產危機千載損英譽仲翁幸及年安肯嬰世務
聖主賜臣金奉養行所素造物佚我老餘齡今自悟
田園付子孫身後復無慮神交真漠中樂境尙森著

和詠三良

江山錯如繡死與傲屣遺安用親愛人共此丘土微
秦人多尙氣宜無兒女私乃亦如當途區區戀衣帷
因傷秦政惡三歎王綱虧殉人已可詠而况收良歸
坐令百夫特含恨與世違祇應墓前柏直幹千年希
遙知作俑戒爲感詩人悲重吟黃鳥章淚下沾人衣

和詠荆軻

兩兒戲邯鄲六國朝秦嬴秦王鷲鳥姿得飽肯顧卿
燕丹一何淺結客報咸京當時勢已危竒謀不及行
政使無此舉寧免係頸纓如丹不足論世豈無豪英

三賢文集

靜修卷之三

單

天方事除掃孰禦狂飈聲我欲論成敗高歌呼賈生
乾坤有大義迅若雷霆驚堂堂九國師誰定討罪名
一戰固未晚何爲割邊庭區區六孱王山東但空城
孟荀豈無術乘時失經營今雖聖者作不揀亂已成
酒酣發羽奏亂我懷古情

和讀山海經 十三首

寰區厭迫隘思見曠以疎四壁畫諸天愛此金仙廬
丹青煥神跡勝讀談天書乃知屈子懷託興青虬車
回看百千世朝露棲園蔬歸來誦陶詩復與山經具
山經何所似俚媼談浮圖汗漫恐不已身心歸晏如

二

鳳鳥久不至思君慘別顏
中心藏竹實炯炯空千年
千年寄何所云在丹穴山
何當一呼來微爾無稽言

三

翩翩三危鳥爲我使崑丘
聞有西王母靈化畧難儔
願清黃河源一洗萬里流
吾生豈無志所居非上游

四

瀟湘帝子宅縹渺乘陰陽
欲往從之游風波道阻長
秋風動環珮星漢搖晶光
月明江水白萬里同昏黃

五

三賢文集

靜修卷之三

望

重華去已久身世私自憐
皇靈與天極蒼梧渺何山
晴空倚翠壁白雲淡無言
愁心似湘水猶望有歸年

六

夢登日觀峯高撫扶桑木
手持最上枝傳與甘淵谷
一笑天驚白蒼涼出新浴
何方積九陰區區尙龍燭

七

纍纍玉膏實冷珙琪樹陰
鸞鳳自歌舞琴瑟風動林
風林奏何樂賓賓天有遺
音君何坎井念承負琅園心

八

明星捧玉液太華參天長
仙掌一揮謝此樂殊非常

矯首望穹父饑渴無餘糧奔競竟何得歸哉此中央

九

水物自一隅亦復具飛走乃知造化工錯綜無欠負
茫茫山海間形類靡不有此亦何可窮一覽置册後

十

遙醉楚江騷清愁浩如海蹈襲此何人興寄果安在
豈期紫陽出誇謾莫追悔

見朱文公楚詞辨証

五藏令九丘

五藏

見山海經序

除去尙奚待

十一

流觀山海圖淵明有深旨撫心含無疆觀形易生死
三賢文集

靜修卷之三

望

異世有同神此境若親履何以發吾歡濁酒真可恃
十二

扶疎窮巷陰回車想高士厭問世上語相約扶桑止
讀君孟夏詩千載如見爾開襟受好風試學陶夫子

十三

陶令自高士葛侯亦奇才中州亂已成翩然復南來
三游領坡意厭世多驚猜不妨成四老雅興更悠哉

七言古

桃源行

六王掃地阿房起桃源與秦分一水小國寡民君所

憐賦役多慙負天子天家正朔不得知手種桃枝辨
四時遺風百世尙不泯俗無君長人熙熙漁舟載入
人間世却悔桃花露踪跡會聞父老說秦強不信而
今解亡國畫圖會識武陵溪飛鴻滅沒天之西但恨
於今又千載不聞再有漁人逃

明妃曲

初聞丹青寫明眸明妃私喜六宮羞再聞北使選絕
色六宮無慮明妃愁妾身只有愁可必萬里今從漢
宮出悔不別君未識時免使君心憐玉質君心有憂
在遠方但恨妾身是女郎飛鴻不解琵琶語祇帶離
三賢文集 靜修卷之三 聖

愁歸故鄉故鄉休嗟妾薄命此身雖外君恩重來時
無數後宮花明日飄零成底用宮花無用妾如何傳
去哀絃幽思多君王要聽新聲譜爲譜高皇猛士歌

塞翁行

塞翁少小壟上鋤塞翁老來能捕魚宋家昔日塞翁
行屯田校尉功不如西山瀛海接千里長城又見開
長渠要將一水限南北笑殺當年劉六符天教陂澤
養鴈鶩留與金人賦子虛我來鄉國覽風土髣髴
鼓笛嗚嗚胷中雲夢忽已失酒酣懷古皆平蕪昔年
阻水群盜居塞翁子孫殺欲無至今遺老向人泣前

宋監邊無遠圖

武當野老歌

南陽武當天下稀峰巒巧避山自逃青天飛鳥不可
度但見萬壑空煙霏山不知人從太古白雲飛來天
作主旌旗明滅漢陽津幾閱東西五夷虜老人住此
今百年自言三世絕人煙往事不聞宣政後初心欲
返羲皇前脯鹿爲糧豹爲席竹樹蒼蒼歲寒國天分
地折保無憂怪見北風山鬼泣一聲白鴈已成擒回
望丹梯淚滿襟傳語桃源休避世武陵不似武當深

感秋

思古人之
不可見也

三賢文集

靜修卷之三

罌

湘絃悠悠阻清音駕車欲往洛水深白榆一葉驚河
漢萬里碧霄中夜心玉鸞翩翩紛翠羽鬣鬣機絲隔
烟霧瓊枝難得芳華年惟恐流光雨遲暮河旁有星
名牽牛此星旣出令人愁明朝再見明河影已隔人
間萬古秋

飲後

日光射雨明珠璣怒氣鬱作垂天蜺天將海波吸已
竭倒景徑入黃金卮金卮一傾天宇闔天公愁吐胃
中竒海風掀舉催月出吹落酒面浮明輝瓊芝瑞露
千萬斛肝腸瀟瀟清欲饑金宮銀闕此何處夜半夢

落崑崙西眼中之人素所期赤霜爲袍丹霞衣明星
煌煌何太速碧霄悵望白雲低

西士

西山龍蟠幾千里力盡西風吹不起夜來赤腳踏蒼
鱗一著神鞭上箕尾天風冷冷清人肌醉抱明月人
間翹嫦娥灑淚不敢語銀河鼓浪霑人衣寄謝君平
莫饒舌袖中此物無人知

登荆軻山

兩山巉巖補天色中有萬斛江聲哀人言此地荆軻
館尚餘廢壘山之隈太子西來函關開誰信生兒爲
三賢文集

靜脩卷之三

望

禍胎筆頭斷取江山去已覺全燕如从灰馬遷尙俠
非史才淵明憤世傷幽懷春秋盜例久不舉紫陽老
筆生風雷遺臺古樹空崔嵬平蕪落日寒煙堆紛紛
此世亦良苦今古燕秦經幾回憂來徑欲浮蓬萊安
得魯連同一杯碣石東頭喚美門六鰲載我三山來

薛稷雙鶴

胎禽寥廓非人境只許清江見寒影書家筆頭垂露
姿一變凌雲更脩整前鶴忘機如易馴後鶴昂藏不
可羣二鶴相看如有語松下盤石少此人

幼安濯足圖

漢家無復雲臺功，平生不識大耳公。眼中天意鏡中語，此身只有扁舟東。關東諸公亦英雄，百年能辦山陽封。邇來老栢號秋風，世事悠悠七十翁。乾坤故物兩足在，霜海浮雲空復空。無刀可斷華太尉，有舄不爲丕大中。丹青白帽凜冰雪，高山目送冥飛鴻。爲問蘇家好兄弟，弟萬古北海誰真龍。長公夢文舉次公愛切安蓋氣質各以類云

采菊圖

天門折翼不再舉，袖手四海橫流前。長星飲汝一盃酒，畱我萬古羲皇天。廟堂袞袞宋元勳，爭信東籬有晉臣。南山果識悠然處，不惜寒香持贈君。

三賢文集

靜脩卷之三

吳

趣去來圖

淵明豪氣肯未除，翺翎八表凌天衢。歸來荒徑手自鋤，草中恐生劉寄奴。中年欲與夷皓俱，晚節樂地處唐虞。平生磊磊一物無，停雲懷人早所圖。有酒今與龐通沽，眼中之人不可呼。哀歌撫卷聲嗚嗚。

雪翠軒

西山萬古青未了，黛綠鬢雲已傾倒。豈知太虛忽生白，恍如厚夜今復曉。紫陽僊翁見本根，白波開天餘浩渺。冒中盤曲此高寒，曾夢肝腸倚天表。蒼崖飛來天出竅，爲護烟嵐翠如掃。萬嶽寒烟吹不舉，靜秀儼

依見娟好此時先生一開軒平生壁立金玉削脚底
游塵軟更紅黑頭擾擾誰爲雄臨風回首三太息安
得置此冰壺中西山秀色千萬里一顧可洗浮雲空
遙望飛泉駕遠壑中有一路聞雙松人間風日不到
處來訪軒中雪翠翁

山中

山中望塔倚天表今得全山如立草不知天地視全
山何如一粒江湖渺平生老眼如層梯昨日所爲今
兒嬉神功天巧祇如此人力區區能幾爾世間壯觀
徒紛紜堯舜事業猶浮雲

三賢文集

靜修卷之三

四

飲山亭雨後

山如翠浪經雨漲開軒宛坐扁舟上西風爲我吹拍
天要駕雲帆恣吾往太行一千年一青才遇先生醉
眼醒却笑劉伶糟麴虛豈知身亦屬螟蛉

巫山圖

朔風捲地聲如雷西南想見巫山摧江南圖籍二百
年一炬盡作江陵灰不知此圖何所得眼中十二猶
崔嵬猿聲髣髴餘山哀行雲欲行行覆回神宮縹緲
望不極乘風御氣無九垓區區雲夢蹄涔爾豈知更
有陽雲臺

李賀醉吟圖

赤虬翩翩渺無聞望之不見矧可親浮世浮名等濁
溷眼中擾擾投詩人心肝未了人間春麗眉尙作哦
詩顰太平瑞物不易得昌黎仙人掌中珍北風瀟瀟
吹野麟千年淚雨埋青雲乾坤清氣老不死丹鳳再
來須見君

後賦赤壁圖

公無渡河歸去來周郎袖裏藏風雷老狐千年快一
擊金眸玉瓜不凡材先生平生兩賦爾江山華髮心
悠哉只令畫裡風月笛尙有老驥嘶風哀眼中驚波
三賢文集 靜修卷之三 哭
不西歸玄鶴夜半從天迴曹劉閑氣今何處船頭好
在白雲堆

陳氏庄

陳氏園林千戶封晴樓水閣圍春風翠華當年此駐
驂太平天子長楊宮浮雲南去繁華歇回首梁園亦
灰滅淵明亂後獨歸來欲傳龍山想愁絕今我獨行
尋故基前日家僮白髮垂相看不用吞聲哭試賦宗
周黍離離

陳氏先父之外家也金章宗每遊獵必宿其家淵明謂先父龍山指孟嘉事

采石圖

何年鑿江倚青壁乞與中原作南北天公老眼如着

畫萬里才堪論咫尺蛾眉亭中愁欲滴曾見江南幾
亡國百年回首又戈舡可憐辛苦磯頭石江頭老父
說當年夜捲長風曉無跡古人袞袞去不返江水悠
悠來無極只今莫道昔人非未必山川似舊時龍蟠
虎踞有時歇月白風清無盡期古人看畫論兵機我
今看畫詩自竒平生曾有金陵夢似記扁舟月下歸

金太子允恭唐人馬

道人神駿心所憐天人龍種畫亦然房星流光忽當
眼徑欲攬轡秋風前漢家金粟幾蒼烟江都筆勢猶
翩翩東舟獵騎自豪貴風氣惜有遼東偏天人秀發
三賢文集

靜修卷之三

四

長白山畫圖省識開元年金源馬坊全盛日四十萬
匹如秦川天教劫火留此幅玉花浮動青蓮錢英靈
無汗石馬復悲鳴真似泣金仙只今回首望甘泉汾
水繁華鴈影邊竒探竟隨輒迹盡兀坐宛在驂騑先
人間若有穆天子我詩當作祈招篇

宋理宗書宮扇

并序

杭州宮扇二好事者得之燕市一畫雪夜泛
舟一畫二色菊理宗題其背有興盡爲期及
晚節寒香之句諸公賦詩予亦同作

天津月明啼杜鵑梁園春色凝寒烟傷心莫說靖康

前吳山又到繁華年繁華幾時春已換千秋萬古合
歡扇銅雀香銷見墨痕秋去秋來幾恩怨一聲白鴈
更西風冠蓋散爲烟霧空百錢韞錦天留在襁胎要
鑿驪山宮當時夢裡金銀闕百杯樓前無六月瓊枝
秀發後庭春珠簾晴捲天門雪棹歌一曲白雲秋不
覺金人淚暗流乾坤幾度青城月扇影無情也解愁
五雲回首燕山北燕山雪花大如席雪花漫漫水峨
峨大風起兮奈爾何

續十二辰詩

飢鳶嚇鼠驚不起牛背高眠有如此江山虎踞千里
三賢文集

靜修卷之三

辛

來才辨荊州兔穴爾魚龍入海浩無涯幻境等是杯
中蛇馬耳秋風去無跡羊腸蜀道早還家何必高門
沐猴舞豚穿鷄栖皆樂土柴門狗吠報隣翁約買神
豬謝春雨

送徐生還鄂

并序

江夏徐生東湖故家庚申北渡客燕趙十七
年而宋亡其子姪書來迎之而還蓋前人所
謂黃鶴歸來疑城郭之猶是浮雲一去惜人
代之俱非者也諸公賦詩以道其行命容城

劉某敘而倡云

燕山送客歸南州興來每恨無扁舟君歸爲我謝汪
漢思君不見令人愁千里風煙想瀟灑一代英雄成
古丘當年才氣鸚鵡洲撫掌笑殺黃鶴樓黃鶴歸來
哀江頭江山依舊人悠悠浮雲萬古恣變滅眼中擾
擾何時休紫陽仙人歌遠游飛蛟起滅三千秋爲君

揮手崑崙頭

紫陽謂晦翁飛蛟
起滅見遠游集注

蠡吾王翁畫像

并序

蠡吾王翁世爲農家多蓄粟金元貞祐初宣
宗南渡河朔大飢翁于是發之全活者甚衆
時鄉豪在所皆自樹募義者咸欲推公爲首

三賢文集

靜修卷之三

五

翁不許挈家避地扶溝餘二十年而汴亡天
下蕭然蕩爲丘墟翁家獨無恙而歸子孫讀
書不求祿仕三世皆以壽終殆不偶然也翁
之曾孫天輔求子序翁之行義於其畫像謂
庶幾能聞之名士大夫而有以發潛德之幽
光也

北門翠屏雷破山畢逋頭白五馬遷乾坤運會到血
肉有欲脫之誰飛仙河朔諸州尤可憐有飢一來無
此年鄉間嗷嗷公哺之公困有底心無邊諸豪推唱
彼亦義亂世性命公能全教子讀書不求官歸來素

髮家山前天理不隨陵谷變坐看老樹生蒼煙只今
圖畫對公像回首兵塵一慨然誰能生死太平日白
石共煮西山泉

宋徽宗賜周準人馬圖

筆底金鞍有蕭爽誰云不傳降王長汴梁門外若雲
屯畫本相看應自賞十載青衣夢故都經營慘淡欲
何如只除金粟呼風鳥曾見昭陵鐵馬趨

宋高宗題李唐秋江圖

秋江吞天雲拍水濤借西風挾不起斷雲分雨入江
村回首龍沙幾千里澹庵老筆搖江聲髣髴阿唐慘
三賢文集 靜修卷之三 五
淡情千秋萬古青山恨不見歸舟一葉橫

宋理宗緝熙殿視

使君持送緝熙視視捷音才到山中人四十三年如電
抹此硯曾經秋復春寂寞經筵勸講臣詩酒宮中樂
事新文章只數天中月萬卷何曾筆有神

宋度宗熙明殿古墨

江南賜姓功臣李吾州奚生墨工爾江南赭盡吳山
松吾州老樹搖晴空君王美墨熙明殿不覺江頭度
白鴈劫火猶解愛庭珪吹送山家易水西松風含哀
生硯滴似訴優游解亡國只今誰有哀江南寶氣不

受鵝溪縑早晚扁舟適吳越爲君揮洒天門雪

金太子允恭墨竹

黑龍江頭氣鬱葱武元射龍江水中江聲怒號久不
瀉破墨揮洒餘神功天人與竹皆真龍墨竹以來凡
馬空人間只有墨君堂何曾夢到瓊華宮瑤光樓前
月如練倒影自有河山雄金願大定始全盛時以漢
文當世宗興陵爲父明昌子樂事孰與東宮同文采
不隨焦土盡風節直與幽蘭崇百年圖藉有蕭相一
代英雄誰蔡公策書紛紛少顏色空山夜哭遺山翁
我亦飄零感白髮哀歌對此吟雙蓬秋聲蕭蕭來晚
三賢文集 靜修卷之三 五

風極目海角天無窮

黑龍江見今史幽蘭軒義宗外
所沐亡張蔡公以金實錄歸遺

山嘗就公謄錄此軸亦公得于汴之中秘
者公之子仲仁持以求予詩故終篇及之

白鴈行

北風初起易水寒北風再起吹江干北風三起白鴈
來寒氣直薄朱崖山乾坤噫氣三百年一風掃地無
留錢萬里江湖想瀟洒竹看春水鴈來還

渡白溝

東北天高連海嶼大行蟠蟠如怒虎一聲霜鴈界河
秋感慨孤懷幾千古只知南北限長江誰割鴻溝來
此處三關南下望風雲萬里長風見高舉萊公灑落

近雄才顯德千年亦英主謀臣使臣強解事在着渠
頭汗吾鼓十年鐵硯自庸奴五載見皇安足數當時
一失淪關路便覺燕雲非我土更從晚唐望沙陀自
此橫流穿一縷誰知江表杜鵑來正見江東青鳥去
漁陽撾鼓鳴地中鷓鴣飛滿梁園對黃雲白草西樓
暮木葉山頭幾風雨只應漠漠黃龍府比似愁岡更
愁苦天教遺蠹說同人凍雨頑雲結凄楚古稱幽燕
多義烈嗚咽泉聲瀉餘怒仰天大笑東風來雲放殘
陽指歸渡

過易州登西樓

三賢文集

靜脩卷之三

辛酉

秋氣壓山山欲摧西樓正有詩人來悲歌感慨聊一
發萬古抑鬱今崔嵬寧山爲有瀛王臺頑痴至今如
死灰幽燕勁氣老益壯北山飛翠來吾杯

登鎮州隆興寺閣

大行鱗甲搖晴空層樓一夕蟠白虹天光物色驚改
觀少微今在青雲山初疑平地立櫺澄清風西北天
門通又疑三山浮海至載我欲去扶桑東雲華寶樹
忽當眼拍肩愛此金仙翁金仙一夢一千載騰擲變
化天無功萬象繞口恣噴吐坐令四海皆盲聾千池
萬沼盡明月長天一碧無遺縱我生玄感非象識此

眼此臂將安庸海岳神光埋禹鼎人間詭態何由窮
金天月窟爾鄉國王臺萬丈須彌峰一杯徑欲呼與
語爲我返駕隨西風堂堂全趙思一谿江山落落吾
心胷中原左界此重鎮形勢彷彿餘兵衝歌舞遺臺
土花碧旗幟西山霜葉紅乾坤割裂萬萬古烏鳶
蟻爲誰雄滹水悠悠自東注落日渺渺明孤鴻

乙亥十月往平定早發土門宿故關書所見

風煙全趙如平掌失脚山城夢猶想土門一縷漢時
天萬古行人爲誰仰指似劼敵談笑中爲狀羸僕忍
寒強當年鼓角如可聞急着清吟和林響遠山宛欲
三賢文集

靜修卷之三

五

來相迎近山留人屹相嚮或從井底忽登天倚伏已
能先想像平生愛山真惡識今日果爲山所網昨朝
爽翠擁脩眉最恨高樓負清賞壯懷鬱鬱悶欲絕安
得凌風恣吾往天教石頂放一頭馱若驂騮脫羈鞅
山靈努力出奇供只恐先生駕虛枉萬壑霜松動悲
嘯極目雲煙埋莽蒼北門形勢護中原辨與奸雄增
技癢太行橫絕半九州留在平原幾塵埃何人爲我
起六丁嵯峨盡隳天宇助千年再睹神禹功恍若鴻
流開四象

老寬膏次無墨汁經營慘淡寒生須秦川名山古壯
哉况復玉立千尺孤安得辰光滿東壁試看龍燭崑
崙墟赤塵鴻洞天爲爐一丘一壑真吾廬眼中人物
誰冰壺

霸陵圖

霸陵平生有詩境黃閣何物爲清風鄭五自知非相
才獼猴枉畫凌烟中作傭莫作詩家傭百爲淡苦誰
汝供古人星露尙有戒况是風雪來無窮襄江明日
蒲萄暖斜風細雨舡頭轉門前暮雪吾不知坐上春
風人未遠

三賢文集

靜修卷之三

五

趙生水墨虎

南山鬱鬱煙霧濛北山落日薄幽叢先生眼花臂猶
健聞虎有真心愈雄聲絃寄目黃蘆東人言此是高
堂中仰天大笑出門去時危慘淡來悲風

仲誠家藏張蔡公石女剪製香奩絕巧持以求

予詩

靜華墨君天下奇陵川僊人爲賦之遺山野史誇慧
女萬古春風蝴蝶詞豈知此巧復絕代夜月靜拂天
孫絲夢雲絲雨有形外郢斤庖刃無心時蔡公凜凜
褒鄂姿諸郎畫戟清香詩香奩秀發亦餘事詩人飢

眼省見稀敲門青燈爛紅碧布衾驚走惡睡兒破屋
猶疑翠鯨怒短褐誰憐紫鳳移東家健婦把鋤犁西
家處女負薪歸哀哀正念誅求苦對此無言空淚垂

張元帥寶刀

士不產金人氣雄真人握鐵開鴻濛不知此刀何所
得風煙餘烈來霜鋒將軍聲名今蔡公酒酣過我歌
彤弓持刀對公兩竒絕眼中已覺南江空水波江聲
浩無窮朝暮夕淬天有工回鶻健兒戲天巧前身鐵
精非凡庸紫煙焰焰天爲紅鑲紋秀發青芙蓉寶鏤
搖落初開封四壁如著清水中天山積雪聚銳鏢寒
三賢文集 靜修卷之三 五

山行見馬耳茶

近山豪士少羈檢酒澆不下育崔嵬遠山靜女亦閑
雅尙恨少有傷春懷亂山米聚爭拱揖武卒侍婢皆
凡材天知老眼不受塵路轉忽睹雙峰開雙峰何年
聳雙耳叱之不動煩風雷今朝向我效神駿翠色欲
逐神鞭來浮世浮名酒一杯我欲駕此觀蓬萊只愁
日暮三山上黃塵回首令人哀

雪翠軒觀太寧火

吾家雪翠翠天下白銀河無聲月無色天關不閉寒崢

嶸箕尾晶英凍將圻常遣六丁下取將勅賜名軒換
金碧初如紫霧蟠青雲飛下人間作堅壁漸如扶桑
六龍出萬縷丹霞吹海立何人辦此女媧氏補天重
煉蒼蒼石陽能兼陰今可知祝融若并立冥國正教
蕪穢洗欲空誰爲千年棟樑惜殺機如火出至微焰
焰寧知有今夕軒中高臥劉更生願借餘光照方冊
方冊有道出黃虞今古煌煌天與極火耕明日千萬
斛酒瓮已聞春雨滴不妨一飲盡群山醉量春生半
天赤

雪浪石

三賢文集

靜修卷之三

五

邵家水陸說影象一物自可涵無垠滄浪仙人歌感
應石中固有此理存老坡胷中如此幾魂磊須得銀
河噴嘲嵩唾華天不噴武夷嚇怒張吾軍偶從北海
得生氣竹石也愛風姿新我來正當秋雨霽一杯真
漠立都門小瑞好事如先臣坐令平地石生根渠家
兒戲解忘國作詩一笑君應聞

煙霞觀雲巢松

盤柯盤屈今幾時龍鬣虎跛森英姿道人眼中無可
恠一巢見餉吾何疑我所思兮穎與箕秋聲瀟瀟吹
送之清風一枝雲一席松中之樂天不知靈臺方寸

有君節虛籟萬古絃吾詩歲晚相期君與我笑拊吾
髯盡此卮

瘍醫詩卷

煉心如石補天缺煉心如泥補地裂白墓正飽丹鳳
飢心能竹實亦能鐵乾坤瘡痍今幾年誰家藥籠金
石堅千金此方不一試雲山注目秋風前

明河秋夕圖

明河澹澹縱復橫行雲悠悠度疎星鳳媒不來烏夜
驚瓊枝玉佩遲所託畫中隱隱聞機聲秋來秋去今
猶古此限不隨天宇青崑崙西頭風浪平辦我一舟
三賢文集 靜修卷之三 堯

蓮葉輕浩歌中流擊明月九原喚起嚴君平人間此
水何時清

美人

美人娟娟秋水隔煙霧深沉蒙玉質目逐晴波去不
歸遙山只有竹雲碧碧雲日暮心悠哉窓前一夜梅
花開平生自信心如鐵一寸相思一寸灰

玉簪

春色醉人人未醒獨憐月露秋零丁昭陽日影巧相
避寸心未減寒冷冷只應得我一顧足爲君小醉秋
風亭蓮兄君子菊弟隱何物處君君意肯玉簪玉簪

誰與簪蒼苔疎雨秋欲深

荆南送橘

江淮草木少生意今日佳果來何奇
枯苗一溉自此見入手卽有甘棠詩
眼中風露蕭湘姿渺我幽林干樹思
只恐江聲撼吾枕相看坐對寒更遲

食筍

夢迴齒頰風蕭騷幽姿不許霜松高
南來蒼玉不盈束已覺飲興翻雲濤
詩家胸次自宜此尙嫌烟火須烹
魚想像南風吹萬竹籜龍正恐稱
冤號石盆養魚心自苦仰羨鸚鵡
雲間巢眼中歲旱土不膏長鑱後
三賢文集 靜修卷之三 卒

慮山無毛退食歸來北窓夢山巔
朱鳳聲嗷嗷

王君奉命賑濟彰德過予求詩

十年監官窮到骨一簿武邑如登天
巧宦紛紛日九遷白髮青衫獨可憐
昨朝讀君阜民篇善察物情亦已賢
南郡飢民想更苦以君賑濟非偶然
驛傳星馳乃爾急何暇載酒揚雄立
茅容問稼當有語野夫憂國願豐年

送寇長卿同知岳州

聞君得官岳樓去我夢已落江湖濱
天下先憂付公等江山之樂當平分
荆湖一城百戰得存撫安得人

人君岳陽父老宜相賀君是荊州舊幕賓

廉荊州治稱第一

三月三日許天祥置酒東城

都門氣習豪翩翩此君尊俎今宛然春卮今年遲半
月雷待忽忽過寒節臨流雅唱尋舊盟青眼青天對
今夕橫橋綺服麗人天蒼苔坐我羲皇前花枝華髮
兩如許天意時情一杯舉安石起舞元龍歌蒼生我
竟如渠何

飲仲誠椰瓢

君家瓠落無所容江湖誰辨平生胸海南佳氣久鬱
塞灑瀕似喜今相逢前年對酒面發紅今年對酒氣
三賢文集

靜修卷之三

空

如虹江山萬古騷人國跬步便與華胥通河間古儒
病我拘聞我一飲喜氣濃平生得意南湖張此意頗
與河間同太古窪尊老無底一朝傾倒何由供醉鄉
千年有此客烏歌蝶舞春濛濛醉翁之意不在酒宛
如琴意非絲桐太和風境無醪酌洛陽樓閣高玲瓏
冷然仙馭一杯水眼中渺渺無極翁西家伯倫瞽且
尊東家醉死王無功酒中醒境渠未識冰壺秋月崑
崙峯舉杯喚月來胸中人間白日浮雲空五嶺山高

雲幾重朱崖滅沒南飛鴻立鶴翩翩渺何許操瓢徑
訪眉山公

河間謂趙玉南湖謂仲實冷然仙馭一杯水見潘延之和茂叔憶濂溪詩洛陽樓閣

南溪行

老人耕牧南溪南南溪草淺牛所貪大孫攜書小攜酒青蓑爲席樹爲庵以書教孫仍自讀隔溪遙聽聲蒲蒲牛眠樹陰孫勸酒老人未醉意已酣老人氣高軀幹小面狹於髯森若杉年周甲子辰又狹世故十率八九諳早歲精勤傳世業口誦太素手弄甘以藝發身寧久屈安車徵起詔使監入爲天子侍從臣龍沙萬里嘗陪騷鼎湖白雲望不極招之歸來山有嵐身出夢關涉覺境人間萬有皆空函侍從之名不復

三賢文集

靜修卷之三

空

記老人自署南溪衙呼兒來前雙玉立曰我愛汝擇所堪自我中年學讀書方寸若有神明鑒活人之功豈不美一有不中中或慙青囊祕封不再展塵跡從此乃一芟讀書力田兩交進困有所收心有函開此樂國自我始繼而大之在汝男我今已成齊變魯汝等當爲青出藍東北一舍容城翁今年卧病家山巖其室雖邇人甚遠汝糧自裹簦汝擔雪中欵段來叩門僕夫汗流扶酒甌侑尊有物隨土產厥包雜進鳴與鷓飲劇談發不自禁四鄰驚走來窺探先生靜默如土鐘叩之愈大聲愈韻今朝音吐瀉河漢老人者

誰開其臧斥之令去不復語興亡萬古手與談空鈞
意釣不在棊澹然相對如禪龕老人思家不可留二
兒扶歸杖幾叅臘醅開時魚可膾相約載酒遊溪潭
送王之才赴史館編修

太古熙熙存太質誰爲結繩陷膠漆三墳五典生厲
階一泓前道千流出商州灑噩數千年刪定塵編纔
半壁自從盲叟好浮誇天遣阿遷奪其筆歷代煩文
愈是非鑿碎名山藏不得偉哉君實集大成爾後不
聞麟再泣遼金邪魅無人誅畧主英臣少顏色策書
未削徒紛紛當恨天孫惜刀尺公耽史癖今史榮姦
三賢文集 靜修卷之三 三

覓夜哭崔浩直善惡磊磊軒天地筆頭休放波濤息
賤子無絕寂寞濱畊牧河山拾古迹悲愁忍效虞卿
窮蒼黃敢召台州謫中原人物有權衡玉堂誰擅才
學識山東麟鳳半青雲燕南獨占天荒隙公能一奮
天下文袖手傍觀甘自適

同仲實南湖賞蓮醉中走筆

溢江泔寒風露涼安得置我濂溪堂香塵縹緲芙蓉
裳百年得此南湖張舉杯人勝境亦勝有蓮以來無
此香蓮香隨酒來詩腸得句驚起幽禽翔幽禽隨人
作帶態意欲和我風零狂人問一味清到骨兩足暫

付吾滄浪螟蛉，蝶羸卿且去。醉眼太華雲間蒼。

明遠堂賞蓮醉賦

畫堂香遠，凝清秋宛如坐我南湖舟。主人愛客情亦重，謂我無語花應羞。荷香繞筆，詩自健滿紙已覺清。江流平生老氣回，萬牛爲君傾倒元龍樓。舉杯喚起謝安石，我醉不省蒼生憂。

元章論書帖

書家豪猛，見世變寥寥。鐘鼎今幾塵，古人胸次無滯迹。意外蕭散餘天真，愛書愛畫卽欲死。狂絕俗絕無此人，臭穢功名皆一戲。渠言夸矣君勿聞。

三賢文集

靜修卷之三

畜

阿寅百醉

南湖風鑿不多可，詩中驚見阿寅名。朝來抱來聚星亭，神涵秋色啼古聲。都山張氏世有賢，斷崖近得唐碑銘。乃翁家窳老窮，經阿敬健筆敵中勅。循環元間豈終晦，開物有期須一鳴。老夫自任河汾教，先爲虛席待此生。

友人送枳朮丸

心胸未識黃昏湯，無食何用求檳榔。書生但苦湯餅睡，巴椒慘慘無鼠腸。舊聞易水仙翁術，綠荷包飯圓枳朮。南州故人持送我，但欠黃雲數千斛。笑撫青囊

時一鼓健啖何由酬此腹

記夢

天風吹雲送星槎蒼鱗道前牽紫霞鳳凰呈舞月妃
和飄飄來自金母家金母臨行有奇贈玉簫瑤管聲
清佳囑我醒時無泄露恐世知子生喧譁明朝夢覺
莫驚怪異香冉冉浮窓紗

又

眼中雲物徒紛紜我一掉頭殊不聞天風蕭蕭燈半
滅忽爾雲間見雙闕欲出不吐三萬言雄鷄已落長
庚前牀前阿魯讀魯論到植其杖而芸田

三賢文集

靜修卷之三

奎

五言律

除夕

百歲三分一初心謾慨然空囊難避節青鏡不藏年
靜閑無窮世閑觀已定天履端思後日四鼓未成眼
晚上易臺

遺臺連廢壘落日展遙岑海嶽天東北燕遼世古今
每當多感慨直欲罷登臨莫更留塵跡千年不易禁

登武陽

朝遊樊子館晚上武陽城潮接滄溟近山從礪石生
斷虹雲淡白返照雨踈明且莫悲吟發樵歌已愴情

藏

